



7 8 9 30 1 2 3 4 5 6 7 8 9 40 1 2 3 4 5 6 7 8 9 50 1 2 3 4

微子
題言

一轂轔
精神
王門
實事
同人
志士
行深
正道
光風
清風
雨露
潤物
而生
育人
而興
奮人
而進
精神
一轂轔



題序

孔子生於周末。孔安國尚書序先君孔子生於周末。孔疏穀梁以為魯襄公二十一年冬十一月庚子孔子生。左傳哀公十六年夏四月己丑孔子卒。計以周靈王時生敬王時卒故為周末。家語本性解孔子生於哀周先王典籍錯亂無紀而乃論百家之遺記考正其義祖述堯舜憲章文武刪詩述書定禮理樂制作春秋讚明易道垂訓後嗣以

為法式其文德著矣然凡所教誨東脩已上三千餘人

六經傳與記是已。物子曰：六經經也。十翼左傳中庸傳也。公穀記也。儀禮小戴記皆有傳與記。論語、語也。孟子子也。孝經記也。戰國人裒而謂之經。猶之墨經也。

緒言。莊子漁父篇。孔子曰：曩者先生有緒言而去。裁然耳。禮大傳一輕一重其義然。鄭注然如是也。按裁謂體裁也。

醇真

迨漢代

立之學官崇聖人之言也。趙岐孟子題辭。

漢興除秦虐禁開延道德。孝文皇帝欲廣遊學之路。論語孝經孟子爾雅皆置博士。後罷傳記博士獨立五經而已。經典釋文序錄曰：後漢包咸周氏竝為章句。列子學官。聖人之言見李氏篇。當封殖。昭公二年左傳季武子曰：宿敢不封殖此樹。古以无忘角弓。注封厚也。殖長也。昭公九年左傳。自王使詹桓伯辭於晋曰：我自夏以后稷。后稷封殖天下。注后稷脩封疆殖五穀。襄公三十年左傳。申無宇曰：王子必不免。善人國之主也。王子相楚國。將善是封殖而虐之是禍國。以六經為先王歟迹。莊子天運篇。夫六經先王之陳迹也。豈其所以迹哉。

潛心斯書。揚子法言問神篇。敢問潛心于聖。曰：昔

仲尼潛心於文王矣、違之顏淵亦潛心於仲尼矣、未達一聞耳、註聞當作問。

學不師古 尚書說命下說曰、王人求多聞時惟建事、學于古訓乃有獲事不師古以克永世匪說攸聞、錢洲先生曰、述而篇述而不作信而好古竊比於我老彭、

自韓愈而下 韓愈著論語筆解

古言 墨子公孟篇、公孟子曰、君子必古言服然後仁、漢書劉歆傳、初左氏傳多古字古言

古義 尚書周官議事以制政乃不迷孔傳言當先學古訓然後入官治政凡制事必以古義議度終始政乃不迷錯史記張湯傳、湯決大獄、歆傳古義索隱曰、傳音附漢召丁寬傳、寬至雒陽復從周主孫受古義號周氏傳、蜀志向朗傳、年踰八十猶手自校書、刊定謬誤、積聚篇卷於時最眾、開門授賓、誘納後進、但講論古義不于時事、魏收魏書大宗紀乃撰新集三十篇、採諸經史該洽古義兼資文武焉、

中華聖人之邦更千有餘歲之久、孟子離婁下、孟子曰、舜生於諸馮遷於負夏卒鳴條東夷之人也、文王生於岐周卒於畢郢西夷之人也、地之相去也千有餘里、世之相後也千有餘歲、得志行乎中國若合符節、先生後聖其揆一也、又盈心下、孟子曰、由堯舜至於湯五百有餘歲、若禹臯陶則見而

知之若湯則聞而知之由湯至於文王五百有餘歲若伊尹菜朱則見而知之若文王則聞而知之由文王至於孔子五百有餘歲若大公望散宜生則見而知之若孔子則聞而知之由孔子而來至於今百有餘歲云云史記年表周敬王四十一年壬戌魯哀公十六年孔子卒當日本懿德天皇三十二年至享保元年丙申通計二千二百六十九年

謗謗然

楊子法言寡見篇或曰謗謗者天下皆訟也奚其序注祕曰今之学者謗謗然爭訟其道之是非也何謂若序謗謗爭声也

堅白之辯

成玄英疏云

公孫龍著守白論行於世

堅白卽守白也言堅執其說而守之亦如墨子墨子守之義公孫龍之弁蓋將合異以為同故曰同異周憲王十八年綱目集覽所引也焦竑曰按莊子疏曰公孫龍著堅白論行於世堅白卽守白也白猶是也堅執是其說而守之也同異者合同衆人之異論也史荀卿傳頭書

堅白之昧終疏自即公孫龍守白焉論也姓公孫名龍趙人當六國時弟子孔穿之徒堅執此論橫行天下服衆人之口不服衆人之心和本莊子齊物論彼非所明而明之故以堅白之昧終林希逸口必云堅白注家以為堅石白馬之弁蓋曰堅則為石言石不必言堅白則為馬言白不必言馬亦

猶黃馬驪牛三也。又胠篋篇知詐漸毒頡滑堅白
辭垢同異之變多則俗惑於辨矣林希逸口義云
詐知許以智而相詐也漸毒相漸染而為毒亂也頡

汨

桀頡也滑相亂也辭垢隔角也堅白辭垢異同皆
當時弁者之名又秋水篇公孫龍問於魏牟曰

龍少學先王之道長而明仁義之行合同異離堅
白然不然可不可困百家之知窮衆行之弁者也又
以為至達也口義云公孫龍當時之弁者也又
天下篇以堅白同異之弁相訾以觭偶不侔之辭
相應列子仲尼篇樂正子輿曰子龍之徒焉得
不飾其闕吉又言其尤者龍誼魏王曰有意不心
有指不至有物不盡有影不移髮引千鈞白馬非
馬孤犧未嘗有母非孤犧也林希逸注白色也似
色而名曰白馬形也以形而名曰馬諸色為白則
可謂形為馬則可若以白馬為馬則白色也馬形

謂

也二物也安得而一之故曰白馬非馬形名離也
苟子脩身篇夫堅白同異有厚無厚之察非不
察也然而君子不辨止之也揚儻注公孫龍堅白
論曰堅白石三可乎曰可謂目視石但見白不知
其堅則謂之堅白終不可合為一也司馬彪曰
堅白謂堅石非石白馬非馬也孔叢子公孫龍
篇公孫龍者平原君之客也好刑名以白馬為非
白馬子高適趙與龍會平原君家謂之曰僕居魯

可平

遂聞下風而高先生之行也願受業之日久矣
所不取於先生者獨不取先生以白馬為非白馬
爾誠去非白馬之學則穿請為弟子公孫龍曰先
生之言悖也龍之學正以白馬非白馬者也今使
龍去之則龍無以教矣今龍為無以教而乃學於
龍不亦悖乎且夫學於龍者以智與學不逮也今
教龍去白馬非白馬是先教也而後師之不可也

云云

先生之所教龍者似齊王之間尹文也且白馬非
白馬者乃子先君仲尼之所取也龍聞楚王張繁
弱之弓載忘歸之矢以射蛟兕於雲夢之囿反而
喪其弓左右請求之王曰止也楚人遺弓楚人得
之又何求乎仲尼聞之曰楚王仁義而未遂亦曰
於人得之而已矣何必楚乎若是者仲尼異楚人所
謂人也夫是仲尼之異楚人於所謂人而非龍之
異白馬於謂馬悖也先生好儒術而非仲尼之所
取也欲學而使龍去所以教雖百龍之智固不能
當前也子高莫之應史記荀卿傳趙亦有公孫
龍為堅白異同之弁注晋大康地記云安南西平
縣有龍淵水可用淬刀劍特堅利故有堅白之論
云黃所以為堅也白所以為利或弁之曰白所以
為不堅黃所以為不利莊子齊義堅白司馬云
謂堅石白馬之弁也又云公孫龍有淬劍之法謂
之堅白崔同又云或曰設矛伐之說為堅韓白馬
之名為白漢書藝文志公孫龍

古曰。即為堅白之弁者。黃氏日抄曰。公孫龍戰國時肆無誓之弁。曰堅白石。謂目見石之白。而不見石堅。乎知之堅。而不知其白。是堅與白為二物。^子孟子有言曰。無有乎爾則亦無有乎爾。孟子盡心下。孟子曰。由堯舜至於湯五百有餘歲。由孔子而來。至於今。百有餘歲。去聖人之世。若此其遠也。近聖人之居。若此其甚。然而無有乎爾則亦無有乎爾。

其所不知者。蓋闕如也。子路篇。子路曰。衛君待子而為政。子將奚先。子曰。必也正名乎。子路曰。有是哉。子之迂也。奚其正。子曰。野哉由也。君子於其所不知。蓋闕如也。^{云云}

有故有義

周易上繫辭

知幽明之故。孟子離婁下

云云。天下之言性也。則故而已矣。天之高也。星辰之遠也。苟求其故。千歲之日至可坐致也。漢書丁寬傳。作易說三萬言。訓故舉大誼而已。注師古曰。故謂經之旨趣也。又劉歆傳。初左氏傳多古字古言。學者傳訓故而已。注師古曰。故謂旨趣也。又孔安國尚書序。八卦之說。謂之八索。求其義也。又三千之徒。並受其義。又百篇之義。世莫得聞。又以所聞伏生之書。考論文義。定其可知者為隸古定。又採摭羣言。以立訓傳。約文申義。敷暢厥旨。有所指擿。列子黃帝篇。研撻無傷痛。指擿无消癢。徵微。八佾篇。子曰。夏禮吾能言之。杞不足徵也。殷禮。

吾能言之、宋不足徵也、文献不足故也、足則吾能
徵之矣、朱注杞夏之後、宋殷之後、徵證也、文典籍
也、獻贊也、言二代之禮、我能言之、而二國不足取
以為證、以其文献不足故也、文献若足、則我能够取
之以證吾言矣、又禮記禮運篇、言偃復問曰、夫子
之極言禮也、可得而聞歟、孔子曰、我欲觀禮、道是
故之杞、而不足徵也、吾得夏時焉、我欲觀殷道、是
故之宋、而不足徵也、吾得坤乾焉、陳注、杞夏之後、
宋殷之後、徵證也、孔子言、我欲觀考夏殷之道、故
適二國而求之、意其先代旧典、故家遺俗、猶有存
者、乃皆無可徵驗者、僅於杞得夏時之書、於棕得
坤乾之易耳、又中庸篇子曰、吾說夏礼、杞、天徵
也、吾學殷禮、有宋存焉、吾學周禮、今用之、唐後周

王天下有三重焉、其寡過矣乎、上焉者雖善無徵、
無徵不信、不信民弗從、鄭注、徵猶明也、吾能說夏
禮、顧杞之君不足方明之也、吾從周、行今之道、三
重、三王之禮、上謂君也、君雖善、善無明徵、則其善
不信也、疏言為君雖有善行、無分明徵驗、則不信
著於下、既不信著、則民不從、尚書胤征、聖傳謨訓、
明徵定保、孔傳、徵證、保安也、聖人所謀之教訓、為
世明證、所以定国安家、隱公十一年左傳、鄭息有
違言、君子是以知息之将亡也、不度德、不量力、不
親親、不徵辭、不察有罪、杜注、言語相恨、當明徵其
辭、以審曲直、不宣輕鬪、又成公八年左傳、晋趙

莊姬為趙嬰亡故諧之于晉候曰原屏將為亂來
郤為徵杜註樂氏郤氏亦徵其為亂襄公二十
一年左傳臧武仲曰紇也聞之在上位者涵濯其
心壹以待人軌度其信可明徵也注徵驗也疏正
義曰謂使其臣倍有執則法度可明以為徵驗也

又樂祁懇諸宣子曰盈將為亂其謀如是懼害於主吾不敢不言范鞅為之徵注證其如此又昭

公八年左傳叔向曰子野之言君子哉君子之言

信而有徵故怨遠於其身小人之言僭而無徵故

怨咎及之定公元年左傳宋徵於鬼杜注取證

鬼神升庵外集三十六經說部曰左傳不徵譜注

徵音證唐貞觀中有唐九證其名取莊子莊子篇論

而字作證可以定其音矣具不足則吾能從之者

事業周易上系辭是故形而上者謂之道形而下
者謂之器化而裁之謂之變推而行之謂之通學

而錯之天下之民謂之事業

太史公謂學者稱述六藝皆折衷於孔子

史記

孔子世家太史公曰天下君王至于賢人衆矣當時

則榮沒則已焉孔子布衣傳十餘世學者稱之自

天子王侯中國言六藝者折中於夫子可謂至聖

子矣辨名上衷部折衷於孔子亦取正於孔也謂

以孔子之言為正也

論人墨子所染篇允君之所以安者何也以其行

理也行理生於染當故善為君者勞於論人而佚

於治官云又呂氏春秋當深薦凡為君非為君而
因榮也非為君而因安也以為行理也行理生於
當深故古之善為君者勞於論人而佚於官事得
其經也又論人篇凡論人通則觀其所禮貴則

云觀其所進云八覈六驗此賢主之所以論人也論人
者又必以戚四隱何謂六戚父母兄弟妻云何謂
四隱交友故旧邑里門郭管子法法篇凡論人
有要務物之人無大士云又凡論人而遠古者
無高士焉云

論官禮記王制凡官民材必先論之論弁然後傳
之任事然後爵之位定然後祿之云馬牛論官材
論進士之賢者以告于王而定其論論定然後官
之任官然後爵之位定然後祿之

論罪

前漢尹翁叔傳緩於小弱急於豪彊豪彊有

論罪輸掌畜官注師古曰論罪決罪也

宋史真

宗紀論諸州非時災沴不以聞者論罪

漢書藝文志

謂弟子論撰孔子之語猶為不失古言

漢書藝文志論語者孔子應答弟子時人及弟子
相與言而接聞於夫子之語也當時弟子云有所
記夫子既卒門人相與輯而論纂故謂之論語注
師古曰纂與撰同按論字添撰字而為論定之

義故曰不失古言也

其意謂如尚呂之尚也

按孔安國尚書序以其上

古之書謂之尚書然則尚書從後加之

國語家語何別齊論魯論何謬 按國語家語論語之語皆同擊文之體裁耳以國家論字其旨則別以論字為主故曰齊論魯論若不然則不曰語而曰論是為謬矣

訓語為言非古矣 按漢志曰孔子應答弟子時人之語卽孔子之言也

大學有乞言合語 禮文王世子凡祭與養老乞言合語之禮皆小樂正詔之於東序鄭注養老乞言養老人之賢者因從乞善言可行者也合語謂鄉射鄉飲酒大射燕射之屬也

周官大司樂有樂語

周禮春官大司樂以樂語教

國子興道諷誦言語

語云 孟子萬章上咸丘蒙問曰語云盛德君子

不得而臣父不得而子 礼記文王世子行一物而三善皆得者唯世子而已語曰樂正司業父師司成一有元良萬國以貞世子之謂也 齊策語

曰騏驥之衰也駕馬先之 韓非子卷五飾邪篇

語曰家有常業雖飢不餓國有常法雖危不亡

請事斯語

顏淵篇顏淵問仁子曰克己復

句言非禮勿動顏淵曰回雖不敏謂事斯語矣 仁云顏淵曰請問其目子曰非禮勿視非禮勿聽非禮

勿言非禮勿動顏淵曰回雖不敏謂事斯語矣 仲弓問仁子曰出門如見大賓使如承大祭己所不欲

勿施於人在邦无怨在家無怨仲弓曰雍曰未敏請

請事斯語矣

散之四方人為篇而篇无統也 孟子序說程子曰孔子之道大而能博門弟子不能徧觀而盡識也故學焉而皆得其性之所近其後離散分處諸侯之國逼必金氏曰分處諸侯之國如子夏居兒子貢居齊澹臺滅明居楚之類孫氏曰寧我仕齊子貢冉有子路仕魯季路仕衛子貢仕魏其餘亦或仕於諸國

程子曰成於有子曾子之門人故其唯二子以子称 論語序說程子曰論語之書成於有子曾子之門人故其稱獨二子以子称

何迺遺閔冉 雍也篇子華使於齊冉子為其母請云子驥云作軒進篇閔子侍側閔閔如也云子思作中庸字其如也云禮記中庸仲尼曰君子中庸小人反中庸 又仲尼祖述堯舜憲章文武

大氏其族有為丈夫者則子帰

古本 下毛足利學所藏皇侃論語義疏

晏父名咸故於包咸獨去其名 集解於諸儒具其姓名包咸獨稱包氏曰

至於孔穎達正必迺始盡去其名 按孔穎達當作邢昺何序云今集諸家之善記其姓名邢疏云集此諸家所說善者而存之示先勦說故各記其姓名註言包曰馬曰之類是也註但記其姓而此達言名者以著其姓所以名其人非謂名字之名也

由是觀之邢昺以前者名已久邢不見古本故為此說也

朱子不睹古本妄謂不名先儒禮於是乎尹焞游酢謝良佐屬悉氏而不名又從而為之階級子程張而氏諸儒

大全諸書奉以為金科玉條 楊子雲劇奉羨斷懿律嘉量金科玉條 李善注金科玉條謂法令也言金玉貴之也

君前臣名其於父與師亦爾 禮記曲礼上文前子名君前臣名成公十六年左傳步毅御晋厲公樂鍼為右云陷於淖樂昏將載晋侯鍼曰書退國有大任焉得專之杜注在君前故名其父大任謂元帥之職 公冶長篇孟武伯問子路仁乎子曰未知也又問子曰由也千乘之國可使治其賦也可知其仁也求也何如子曰求也千室之邑百乘之家可使為之宰也不知其仁也赤也如何子曰赤也束帶立於朝可使與賓客言也不知其仁也又子謂子貢曰汝與回也孰愈對曰賜也何敢望回也聞一以知十賜也聞一以知二子曰弗如也吾与女弗如也先進篇子貢問師子商也孰賢子曰師子過商也不及曰然則師愈与子曰過猶不及

謬誤可警

按何晏異端解類以其世考之

不知而作者 述而篇子曰蓋有不知而作者 我

无是也多聞擇其善者而從之多見而識之知之

次也

大雅柔柔嗟爾朋友予豈不知而作

魯論二十篇 齊論二十二篇 古論二十一篇

漢書藝文志

論語古二十一篇注出孔子壁中兩子張如淳曰

曰篇後子張問何如可以從政已下為篇名曰從

政又齊二十二篇注多問王知道如淳曰問王知

道皆篇名也 又魯二十篇

以知命君子終始 堯曰篇子曰不知命无以為君

子也不知礼无以立也不知言无以知人也堯曰

篇末章大全小注論語首云人不知而不愠不亦

君子乎終云無以為君子也此深有意蓋學者所

以學為君子若不知命則做君子不成

鄉黨終上論堯曰終下論

蓋上論成於琴張而下論成於原思故二子稱

子罕篇罕曰子云吾不誠故藝 憲問篇憲問範

子曰邦有道穀邦無道穀恥也

矢口 揚子法言五百篇聖人矢口而成言肆筆而

成名

涉筆 宋李昭玘永興提刑謝到任啓委轡下車勤

吏民之趨走擾按涉筆擁文墨之紛紜佩文

有間 莊子天地篇百年之木破為牧樽青黃而文

之其斷在溝中比犧樽於溝中之斷則義惡有間

與其於失性一也。

忽忘 史記灌夫傳武安鄂謝曰吾昨日醉忽忘與仲孺言乃駕往

詩有序 卜子夏作詩序

曾點之舞雩 先進篇子路曾晳冉有公西華侍坐章點爾何如鼓瑟希鏗爾舍瑟而作對曰興事三子者之撰子曰何傷乎亦各言其志也曰暮春者春服既成冠者五六人童子六七人浴乎沂風乎舞雩詠而歸夫子喟然歎曰吾與點也

樊遲則否 顏淵篇樊遲從遊於舞雩之下曰敢問崇徧脩慝辨惑子曰善哉問先事後得非崇德與

微其惡無攻人之惡非脩慝與一朝之怠忘其身以及其親非惑與

邦君之妻曰小君 季氏篇邦君之妻君称之曰夫人夫人自称曰小童邦人称之曰君夫人称諸異

邦曰寡小君異邦人称之亦曰君夫人

般倕

禮記檀弓下季康子之母死公輸若方小斂

般請以機封注斂下棺於柳般若之族多技巧者

見若掌斂事而年尚幼請代之而欲當其技

孟子離婁上孟子曰離婁之明公輸子之巧不以規

矩不能成方貞朱注公輸子魯班魯之巧人也或

以為魯昭公之子雖天下至巧亦猶湏規矩也

樊緯抽思篇巧倕不斷兮執察其撥正王注倕燒

巧工也斲斫也察知也撥治也言倕不以斤斧斲

所則曲木不治誰知其巧者乎云云補云墮音垂
書曰堯汝共工莊子曰工墮旋而蓋規矩指与物
化不以心稽故靈臺一而不柱郭注雖二墮之巧
猶任規矩此言因物之易也疏旋規也規圓稽留
也墮是堯時工人稟性極巧蓋用規矩平隨物化
因物旋巧不稽留也

其意謂欲奉孔子宜无若論語聖人之言行昊是
朱子語類語孟綱領部三十條人有言理會得論
語便是孔子理會得七篇便是孟子子細看卷之三
如此蓋論語中言語真能窮究極其纖悉無不透
徹如從孔子肚裏穿過孔子肝肺盡知了豈不是孟子從
卷之三
孔子七篇中言語真能窮究透徹無一不盡如從
孟子肚裏穿過孟子肝肺盡知了豈不是孟子從
又四十五條先生問論語如何看淳曰見得聖人
言行極天理之實而無一毫之妄學者之用尤
當極其實而不容有一毫之妄曰大綱也是
然就裏面詳細處須要十分透徹無一不盡
以史記世家補之朱子序說史記世家曰孔子名
丘字仲尼云大全朱子欲學者知夫子始末故
節其事文大略入序說疑者不入

舜耕歷山陶河濱而化之史記五帝本紀舜耕歷
山歷山之人皆讓畔漁雷澤雷澤上人皆讓居陶
河濱河濱河濱器皆不苦窳韓非子云歷山之
農者侵畔舜往耕焉期年而畝正河濱之漁者

爭抵舜往漁焉期年而讓長東夷之陶者器苦窳
舜往陶焉期年而器牢

苟有其德則舉而楷諸事業已見

莊周內聖外王之說 莊子天下篇判天地之美折
萬物之理察古人之全寡能備於天地之美補神
明之容是故內聖外王之道闇而不明鬱而不發
天下之人各為其所欲烏以自為方悲夫

道者率性自然而人皆有之故聖人不假學是宋儒
以後之失也 中庸天命之謂性率性之謂道
注人物各循其性之自然則其日用事物之間莫
不各有當行之路是則所謂道也 云云蓋人知已
之有性而不知其出於天知事之有道而不知其
由於性知聖人之有教而不知其因吾之所固有
者裁之也故子思於此首發明之

孰謂仁齋先生殊於宋儒也 論語古義總論八條
維楨按論語一書萬世道學之規矩準則也
九條曰夫子以前雖教法略備然學問未開道德
未明直至夫子然後道從學問勃發揮得盡矣使
萬世學者知專由仁義而行而種多鬼神
說皆以義理斷之不与道德相混故謂學問自夫
子始斬新開闢可也孟子引寧我子貢有若三子
之語曰賢於堯舜遠矣又曰自生民以來未有盛
於孔子也蓋諸子嘗得親炙夫子而知其實度越
乎羣聖人而後措詞如此愚斷以論語為最上至

極宇宙第一書為此故而漢唐以來人皆知六經
之為尊而不知論語之最尊而高出於六經之上
雷澤已見舜耕歷山下考
百揆尚書舜典乃命以位慎微五典克從納
于百揆百揆時叙

學而篇

子曰學而時習之章

五十而知天命為政篇子曰吾十有五而志于
學三十而立四十而不惑五十而知天命徵
十命為大夫五十而爵以行先生之道於其國學
之效至是而極矣然五十始衰故自此之後不可
復有所營為故五十而爵不至有以知天命也孔
子又曰知我者其天乎知天之命我以傳先王之
道於後也

以好學自稱

公冶長篇子曰十室之邑必有忠信

如丘者焉不如丘之好學也

其恒言曰學而不厭誨人不倦述而篇子曰默而
識之學而不厭誨人不倦何有於我哉天子曰若
聖與仁則吾豈敢抑為之不厭誨人不倦則可謂
云爾已矣孟子公孫丑上昔者子貢問於孔子
曰夫子聖矣乎孔子曰聖則吾不能我學不厭而
教不倦也子貢曰學不厭智也教不倦仁也仁且
智夫子既聖矣

子為男子美稱

左傳閔公二年經冬齊高子來盟

杜註魯人貴之故不書名子男子之美稱漢董仲舒傳今子大夫褒然為舉首注服虔曰子男子之美號也又賈誼傳問於子服余去何之注師古曰子服者言加其美稱也又子大夫自有過耳註亦引服虔說子者男子美號史記曰敬仲世家吾臣有檀子者註崇隱曰子男子之美稱大夫皆稱子

亦為大夫之稱詩陳風宛丘篇子之湯兮宛丘之上兮毛傳子大夫也孔疏大夫稱子是其常稱

以子為大夫又王風大車篇豈不爾思畏子不敢傳畏子大夫之政終不敢幾子者稱所尊敬之辭

古者天子世嗣諸侯世子世國大夫不世爵使以德爵禮記主制諸侯世子世國大夫不世爵使以德爵

以巧未賜爵視天子之元士以君其國諸侯之大夫不世爵錄孟子萬章上匹夫而有天下者德

必若舜禹而又有天子薦之者故仲尼不有天帝下云云孔子曰唐虞禪夏后殷周繼其義一也

告子下五霸桓公為盛葵丘之會諸侯東北載曹而不歛血初命曰誅不孝無易樹子無以妾為妻再命曰尊賢者才以彰有德三命曰敬老慈幼無忘賓旅四命曰士無世官官事無撝取士必得無專殺大夫云云禮記禮運今大道既隱天下為家鄭註傳位於子各親其親各子其子云云禹湯

文武成王周公由此其選也

四十而仕為士五十而爵為大夫七十致仕。禮記曲禮上四十曰強而仕五十曰艾服官政六十曰耆指使七十曰老而傳云云又大夫七十而致事若不得謝則必賜之凡杖行役以婦人適四方乘安車自稱曰老夫。又內則四十始仕方物出謀發慮道合則服從不可則去五十命為大夫服官政七十致事

不德為不肖為不肖其父也。尚書堯典曰明明揚側陋孔傳堯知子不肖有禪位之志釋文肖音笑說文曰骨肉相似也不似其先故曰不肖。禮記雜記上主人對曰某之子不肖不敢辟誅註肖似也也不似言不如人漢書刑法志夫人宵天地之貌註應劭曰宵類也頭圜象天足方象地師古曰宵肖義同應說是也故庸妄之人謂之不肖言其狀貌無所象似也

學成德而爵為大夫亦為肖其父也。禮記雜記上大夫之適子服大夫之服鄭註仕至大夫賢著而德成適子得服其服亦尊其適象賢孔疏正義曰言仕至大夫賢著而德成適子得服其服者以經云大夫之適子服大夫之服所以然者以其父在仕官身至大夫賢行既著道德又成故其適子雖未仕官得服大夫之服也。

克子 周易蒙九二包蒙吉納婦吉子克家

春秋公魯侯 隱公元年公羊傳三月公及邾婁儀父盟于昧註魯稱公者臣子心所欲尊號其君父公者五等之爵最尊三者探臣子心欲尊其君父使得称公故春秋以臣子書葬者皆稱公

內辭 桓公十八年公夫人姜氏遂如齊公羊傳公何以不言及夫人夫人外也夫人外者何內辭也

學農圃

子路篇樊遲請學稼子曰吾不如老農

請學為圃曰吾不如老圃

學射御 禮記內則十年出就外傳居宿於外學書計衣不帛襦袴禮師勑朝夕學幼儀請肄簡諒十

有三年學樂誦詩舞勺成童舞象學射御二十而

冠始學禮

云云

樂謂其在我者 按謂禮樂得於身也

教而育之

孟子盡心上孟子曰君子有三樂

云云

得天下英才而教育之三樂也

自西自東自南自北無思不服文王之詩而孔子迺足當之矣

詩大雅文王有聲鎬京辟靡自西自東

自南自北無思不服皇王燕哉

孟子公孫丑止

孟子曰以力假仁者霸霸必有大國以德行仁者

王王不待大湯以七十里文王以百里以力服人

者非心服也力不贍也以德服人者中心悅而誠

服也如七十子之服孔子也詩云自西自東自南

自北無思不服此之謂也

佛鬱

前漢鄒陽傳太后佛鬱泣血無所發怒師古

曰拂爵謹積也拂音佛 魏樂府苦寒行我心何

拂鬱

蓋愠鬱一音之轉 康熙字典又集韻紓勿反音鬱
心所鬱積也或作宛省作宛史記倉公傳宛篤不

發

不必訓怒 何晏集解愠怒也

莫所 陳孔璋為袁紹檄豫州文方幾之内簡練造

臣皆垂頭搨翼莫所憑恃

唯命不同 詩召南小星篇嗟彼小星三五在東肅

肅宵忒夙夜在公寔命不同

教學以為事 禮記學記是故學然後知不足教然

後能有強也故曰教學相長也 書說命曰學學

傳云樂正崇四術立四教順先王詩書禮樂以造才

禮記王制樂正崇四術立四教順先王詩書禮樂

以造士春秋教以禮樂冬夏教以誄書鄭註春夏

陽也詩樂者聲々亦陽也秋冬陰也書禮者事事

亦陰也丘言之者皆以其術相成

肄業

左傳文公四年衛甯武子來聘公與之宴為賦

憲露及彤弓不辭又不答費使行人私為對國

臣以為肄業及之也註肄習也疏正義曰臣以為

工人自習詩業以及此篇非謂歌之以為已也

王肅云以時誦習之 何晏集解王肅曰時者學者

以時誦習之誦習以時學無廢業所以為說憲

傳曰春誦夏弦秋學禮冬讀書 禮記文 世子凡

學世子及學士必時春夏學干戈秋冬學羽籥皆
於東序云春誦夏弦大師詔之瞽宗秋學禮執禮
者詔之冬讀書典書者詔之禮在瞽宗書在上庠
鄭註誦謂歌樂也 强謂以絲播詩陽用事則學之
以聲陰用事則學之以事因時順氣於功易成也
學者優游於其中久尚之化 禮記學記大學傳
也時教必有正業退息必有居學云故君子之於
學也藏焉脩焉息焉遊焉夫然故安其學而親其
師樂其友而信其道 詩小雅采菽篇優哉游哉
亦是戾矣又大雅卷阿篇伴奐爾游矣優游爾休矣
時雨之化 孟子盡心上孟子曰君子之所以教者
五有加時雨化之者有成能者云云

先王之道敬天為本 辨道二十一章辨名云首則
可俟觀

敬天 尚書臯陶謨天叙有典勑我五典五惇哉天
秩有禮自我五禮有庸哉同寅協恭和衷哉天命
有德五服五章哉天討有罪五刑五用哉政事懋
哉懋哉天聰明自我民聰明天明畏自我民斯廟
達于上下敬哉有土又益稷勑天之命惟時惟幾
又仲虺之誥欽崇矢道永保天命孔安國傳王者
如此上事則敬天安命之道又太甲上曰先王顧
諤天之明命以承上下神祇社稷宗廟罔不祇肅
天監厥德用集大命撫綏萬方又太甲下伊尹申

誥于王曰嗚呼惟天無親克敬惟親民罔常懷懷于有仁鬼神無常享享于克誠天位艱哉德惟治否德亂與治同道罔不興與亂同事罔不亡終始惟廉與惟明聰與先王惟時懋敬厥德克配上帝今王嗣有命緒尚監茲哉又咸有一德曰嗚呼天難謀命靡常常厥德保厥位厥德靡常九有以之又曰惟吉凶不儻在人惟天降災祥在德又恭誓惟天惠民惟辟奉天又召誥曰嗚呼皇天上帝厥元子茲大國殷之命惟王受命無彊惟休亦無彊惟恤嗚呼曷其奈何弗敬又曰天亦哀于四方民其眷命用懋王其疾敬德又曰王敬所不可不敬德我不可不監于有夏亦不可不監于有殷我不敢知曰有夏服天命惟有厯年我不敢知曰有殷受天命惟有厯年我不敢知曰不辱莫惟不敬其德乃早墜厥命又曰嗚呼若生子罔不在厥初生自貽哲命今天其命哲命吉凶命厯年知今我初服宅新邑肆惟王其疾敬德王其德之用天永命文曰上下勤恤其曰我命丕若有夏厯年我勿替有殷厯平欲王以小民愛天永命

大雅文王篇文王在上於昭於天周雖舊邦其命維新有周不顯節命不時文王陟降在帝左右又曰穆穆文王於緝熙敬止假哉天命有商孫子商之孫子其麗不億上帝既命候于周服侯服于周天命靡常又曰無念爾祖聿修厥德永言配命自

求多福又曰殷之未喪師克配上帝宜鑒于殷駁
命不易又曰命之不易無遏爾躬宜昭義問有虞
殷自天上天之載無声無臭儀刑文王萬邦作孚
又大雅大明篇幽明在下赫赫在上天難忱斯不
易惟王天位殷邇使不挾四方又曰維此文王小

心翼翼昭事上帝聿懷多福厥德不回以孚于民
又曰上帝臨汝無威爾心又板篇敬天乏怒無敢
戲豫敬天之渝無敢馳驅昊天曰明及爾出王旦
天曰旦及爾游衍又周頌我將篇伊嘏文王既右
享之我其夙夜畏天之威于時保之又敬之篇敬
之敬之天維顯思命不易哉無曰高壽君子辟降
象士日益在茲

中庸曰過世不見知而不悔

唯聖者能之

鶴記中

庸篇子曰素隱行恆後世有述焉吾弗能已矣君子依乎中
子遵道而行半塗而廢吾弗能已矣君子依乎中

庸遯世不見知而不悔唯聖者能之

易文言曰不見是而無悶龍德而隱者也

易文言

初九曰潛龍勿用何謂也子曰龍德而隱者也不
易乎世不成乎君遯世無悶不見是而無悶樂

行之憂則違之確乎其不可拔潛龍也

舜泰伯足以當之史記五帝記自從窮蟬以至帝
舜皆微為庶人舜父瞽叟瞽而舜母死瞽叟更娶
妻而生象象傲瞽叟愛後妻子常欲殺舜舜避逃
及有小過則受罪順事又及後母与弟日以篤謹

匪有懈

吳太伯世家吳太伯太伯弟仲雍皆周

太王之子而有聖子昌太王欲立季歷以取昌於是太伯仲雍二人及犇荆蠻文身斷髮示不可用以避季歷

故曰發憤忘食以忘憂不知老之將至

述而篇葉

公問孔子於子路子路不對子曰女奚不曰其如

人也發憤忘食樂以忘憂不知老之將至云爾

又曰學而不知誨人不倦見上其恒言曰學而不

厭云云下考

優遊以卒歲詩小雅采菽篇優哉遊哉亦是戾矣

孔子家語初見篇桓子既受女樂云我聞之吾歌

以死樂敗猶敵歸人聊以卒歲以出志波則

人謂叔向曰子離於累其為不知乎叔向與其

死亡若何詩曰優哉遊哉聊以卒歲知也疏正義

曰此小雅采菽之篇章彼詩云優哉遊哉亦是戾

矣與此不同者蓋師說有異

富貴於我如浮雲述而篇子曰飯疏食飲水曲肱

而枕之樂亦在其中矣不義而富且貴於我如浮

雲

朱子以效訓學是字學家釋名之說謂聲音之道展轉相因效轉為學學而篇子曰學而時習之章朱註學之為言效人性皆善而學有先後後學者必效先學之所為乃可以明善而復其初也劉熙

叔名教倣也下所法倣也 康熙字典效字注廣

韻故教反集韻後教反玉篇法效也 廣韻學也

韻會小補效韻教字注居效反說文上所施下所效也 又倣字注後教反說文本作效今文作效廣韻學也增韻倣也 又學韻學字注轄學切說文學悟也字本作斅今音效學校字但作学不效韻後教切音效教也又居效功見教字下

坐誤說中庸孟子妄求為聖人故耳 中庸天命之

謂性率性之謂道脩道之謂教章朱注人物之

因各得其所賦之理以為健順五常之德所謂性

也率循也道猶路也人物各循其性之然則其

也備躰範之也性道雖同而氣體或異故能無

過不及之差聖人因人物之所當行者而品節之

以為法於天下則謂之教若禮樂刑政之屬是也

蓋人知己之有性而不知其出於天知事之有道

而不知其由於性知聖人之有教而不知其因五

之所固有者裁之也 孟子滕文公上滕文公為

世子將之楚過宋而見孟子孟子道性善言堯稱

堯舜章朱注性者人所稟於天以生之理也渾然

至善未嘗有惡人與堯舜初無少異但衆人狃於

私欲而共之堯舜則無私欲之蔽而能充其性尔

故孟子与世子言每道性善而必称堯舜以實之

欲其知仁義不假外求聖人可學而至而不懈於

用力也。又離婁下儲子曰王使人瞷夫子果有以異於人乎孟子曰何以異於人哉堯舜與人同

耳朱注瞷古覓反儲子齊人也瞷竊視也聖人亦

人耳豈有異於人哉又告子下曹交問曰人皆可以堯舜有諸孟子曰然交聞文王十尺湯九尺今

丈九尺四寸以長食粟而已如何則可曰奚者朴

是亦為之而已矣有人於此力不能勝一匹離則

為無力人矣今曰舉百鈞則為有力人矣然則舉烏獲之任是亦為烏獲而已矣夫人豈以不勝

為患哉弗為耳徐行後長者謂之弟疾行先長者

謂之不弟夫徐行者豈人所不能哉所謂之堯

舜之道達節而已矣朱註陳氏曰孝弟者之良

知良能自然之性也堯舜人倫之至亦率性而所

已豈加毫末於是哉楊氏曰堯舜之道大無而所

以為之乃在夫行止疾徐之間非有甚高難行之

事也百姓蓋日用而不知耳雍也篇哀公問弟子孰好學章註程子曰學至聖人之道也

先王四術見上學正崇四術下考

辟如化工生花易上繫辭大全程子曰如繫辭下

文後人決學不得譬之化工生物且如生出一枝

花或有剪裁為之之者或有繪畫為之者看時雖

自相顥然終不若化工所生自有一般生意

立言左傳襄公二十四年大上有立德其次有立

功其次有立言

制行 禮記表記聖人之制行也不制以己使民有
立所勸勉愧恥以行其言

剪綵之花 事問類聚前集天時部隋煬帝築西苑
宮木秋冬彫落乃剪綵為花葉綴於條常若陽春
里婦郊顰而施 莊子天運篇西施病心而贖其里
其里之醜人見而美之歸亦捧心而贖其里其里
之富人見之堅閉門而不出貧人見之挈妻子而
去之走彼知美贖而不知贖而不知贖之所以美
一旦豁然貫通之說 大學章句傳五章間嘗竊與
程子之意以補之曰所謂致知在格物者言欲致
吾之知在即物而窮其理也蓋人心之靈莫不有
知而天下之物莫不有理惟於理有未窮故其知
有不盡也是以大學始教必傳學者即凡天下之
物莫不因其已知益而益窮之以求至乎其極
至於用力之久而一旦豁然貫通焉則衆物之表
裏精粗無不到而吾心之全體大用無不明矣此
謂知之至也

故曰默而識之何有於我哉 述而篇子曰默而識

之學而不厭誨人不倦何有於我哉

宋儒主理貴知欲先明其理而後踐之故有其格物
之說今日格一物明日格一物云云 格物及一
旦豁然之說畧見上 大學或問又有問進脩之
術何先者程子曰莫先於正心誠意然欲誠意必
先致知而欲致知又在格物致盡也格至也凡有

一物必有一理窮而至之所謂格物者也然而格物亦非一端如或續書講明道義或論古今人物而別其是非或應接事物而處其當否皆窮理也曰格物者必物物而格之耶將止格一物而萬物理皆通邪曰一物格而萬理通雖顏子亦未至此惟今日而格一物焉明日又格一物焉積習既熟然後脫然有貫通處耳

太牢 尚書召誥越翼日戊午乃社于親邑牛一羊

一豕一孔傳告立社稷之位用太牢也 戰國策齊宣王宣王曰嗟乎君子焉可侮哉云云願請受

為弟子且願先生與寡人遊食必太牢謹矣承

孟

子先覺為太牢後覺老子二章衆人熙熙如享太牢如春登華臺訓正微諸本文可見已孟子萬章

上萬章問曰人有言伊尹以割烹要湯有讀孟子曰否不然伊尹耕於有莘之野而樂堯舜之道焉云云湯三使往聘之既而幡然改曰與我處畎畝之中由是以樂堯舜之道吾豈若使是君為堯舜之君哉吾豈若使是民為堯舜之民哉吾豈若於吾身親見之哉天之生此民也使先知覺後知使先覺覺後覺也予天民之先覺者也予將以斯道覺斯民也非予覺之而誰也云云吾未聞枉已而正人者况辱已以正天下者乎又見萬章下 左傳襄公二十一年叔向曰樂王鮒從君者也何能行祁大夫外舉不棄讎內舉不失親其獨遺我乎

詩曰有覺德行四國順之夫子覺者也杜註覺較然正直

論

語先覺謂覺人之詐偽耳憲問篇子曰不逆詐不億不信抑亦先覺者是贊乎徵曰抑亦先覺者是贊乎孔安國曰先覺人情者是寧能為賢乎古

人之解不失於辭者如是

人性本善亦原於孟子按本諸章作皆蓋先生所

見本作本孟子已見上坐誤讀中庸孟子下考

黼云孟子集註多言性本善恐是物子所摭舉

別抄之又近思錄卷一程伊川曰人性本善有不

可革者何也曰語其性則皆善也語其才則有下愚

之不移又見陽貨篇上知與下愚不移註

宋儒氣質

陽貨篇子曰性相近也

章朱注

此所謂

性兼氣質而言者也氣質之性固有美惡之不同矣然以其初而言則皆不甚相遠也但

習於善則善習於惡則惡於是始相遠耳程子曰

此言氣質之性非言性之本也若言其本則性即

是理理无不善孟子之言性善是也孟子告子上

公都子曰告子曰性无善元不善也章朱注程子

曰性即理也理則堯舜至於塗不一也才稟於氣

之氣有清濁稟其清者為賢稟其濁者為愚學而知

之則氣無清濁皆可至於善而復性之本溫武聖

之是也又曰論性不論氣不備論氣不論性不明二之

地之性存焉故氣質之性君子有弗性者焉愚按

程子此說才字與孟子本文小異蓋孟子專指其

發於性者言之故以才元不善程子兼指其稟於

先者言之則人之才固有昏明強弱之不同矣張

子所謂氣質之性是也二說雖殊各有所當然以

事理考之程子為善蓋氣質所稟雖有不善而不可專指理而言論氣質之性則以理與氣雜而言之天地之性則太極本然之妙萬殊之一本也氣質之性即此理墮在氣質之中耳非別有一性也弁道十四章考可併考

宋儒性如佛氏性相之性法華經如是相而可別名為相性以據內自分承改名為性傳燈錄性相如七常往不遷名曰道德先覺之所為乃可以明善而復其初也大學章句萬事者人之所平天而虛靈不昧以具衆理而應昏

遂加一本字而有復初之說朱注人性皆善而覺

而遂明之以復其初也弁名性脩才第三則可併考

又曰性卽理也孟子告子上公都子曰告子曰性而遂明之以復其初也弁名性脩才第三則可併考

仁齋以替古補偏為學問之功述而篇子曰述而不作章朱注程子曰性卽理也中庸章句天命之謂性章朱注性卽理也

不作不自用也信而好古必考古也夫子之德賢以好古傳述而不敢有所創作者何哉蓋聖人之所以為聖人者不在自用其智而在廣資衆智不好述之而有餘信之而可法何以創於為矣子之言發為功殊不知聖人之言徹上徹下无所不備无

所不到登復有所未發而必待後人之發之邪。若孟子性善養氣等說皆蕩仁義而發本末夫子之言者也。先儒以為發前聖之所未發而亦自欲以止水必曰體用一源顯微元間其言皆出於佛老鏡必曰中漠元朕必曰明鏡謂之述而不作信而好古可乎其是非得失不

待辯而明矣。

特操莊子有物論周兩問景曰襄子行今子止襄子坐今子起何其无特操與聲色之悅耳目窮舉之悅口理義之悅心孟子告曰口之於味也有同者耳之於声也有同聽焉目之於色也有同美焉至於心獨无所同然乎之心之所同然者何也謂理也義也襄人先得我心之所同然耳故理義之悅我心猶窮舉之悅我口

王聞之大悅孟子離婁上孟子曰天下大悅而將歸已視天下悅而歸已猶莘芥也舜為然又尽心上公孫丑曰伊尹曰予不狎于不順放太甲于桐民大悅太甲賢又反之民大悅韓非子外儲說左上使燕相愛書而說之曰舉燭悅者尚明也尚明也者舉賢而任之燕相白王舉大燭趙王大悅

王聞之大悅孟子離婁上孟子曰吾子與拂然不悅孟子公孫丑上或問乎曾西曰吾子畏也曰然則吾子與管子孰賢曾西艴然不悅曰爾何曾比予於管仲云云人皆悅服尚晉武成篇大費于四海而萬性悅服礼樂主堯散在外云其謬昉於皇侃皇侃疏學記曰孤陋而寡聞君子出其言善則千里之外忘之出其言不善則千里之外違之今由我師德高致有

明後遠方而來與我同門共相講說故可為樂也
自可為欣遠至彌復可樂故云亦也然朋疎而友
親朋至既樂友至故忘言但來必光同門故舉朋友
耳悅之與樂俱是懽欣在心常等而貌俱多所以然者向得講習有殊悅已
則心多貌少樂則心貌俱多曰悅今朋友講多曰樂也
在我自得於懷抱故心多曰悅其言善則不里之外故樂也
相交德音往復形彰在外故心貌俱多曰樂也
江熙云君子以朋友講習出其言善則不里之外故樂也
人且至况其近者乎道同齊味歡然適顧

南風解愠禮記樂記篇昔者舜作五弦之琴以歌
解昔者舜彈五絃之琴造南風之詩其詩曰南風
之熏兮可以解告民之愠兮南風之時兮可以阜
吾民之財兮

莫我知憲淵篇子曰莫我知也亦吾貢曰何為其
達知我者其天乎

教育英才 見上教而育之考

朱子以講道授徒為大小大事云朱注樂於及人而樂者順而易
是而無悶乃所謂君子愚謂及人而樂者順而易
不知而不愠者逆而難故惟成德者能之近思
錄卷一說神如在其上如在其左右大小大事而
只曰誠之不可掩如此夫徹上徹下不過如此
鷺湖之草陳建掌部通弁前編中乙未淳熙二年
伯恭約陸子及兒子壽會朱子于鷺湖論學不合
各賦一詩時見志云朱子年譜謂其後子壽頗臨
其非而子靜終身寄其說卒變子壽名九齡詳見
弁首章考

學優則仕以行其道

子張篇子夏曰仕而優則學而儂則仕

子路曰不仕無義君臣之義如之何其廢之

織子篇子

路從而後遇丈人以杖荷蓆子路問曰子見夫子乎丈人曰四體不勤五穀不分孰為夫子植其杖而芸子路拱而立止子路宿殺鷄為黍而食之見其二子焉明日子路行以告子曰隱者也使子路反見之至則行矣子路曰不仕無義長幼之節不可廢也君臣之義如之何其廢之欲潔其身而亂

夫倫君子之仕也行其義也道半不行已知之矣

有子曰其為人也孝弟章

宗廟之禮所以教孝也養老之禮所以教弟也

禮記

祭義祀乎明堂所以教諸侯之廟也食三老五更於大學所教諸侯之廟也祀先賢於西學所以

教諸侯之德也耕藉所以教諸侯之養也朝覲所

以教諸侯之臣也五者天下之大教也又見樂記

勃勃乎揚子法言淵騫篇勃乎其不可及乎

愛之理廼其理氣之悅

性理大全理氣總論程子曰有形總是一氣元形只是

道朱子曰天地之間有理有氣理也者形而上之道也生物之本也氣也者形而下之器也生物之具也是以人物之生必稟此理然後有性必稟此氣然後有形又曰天下未有無理之氣亦未

有無氣之理

五常出周書不知其解

周書泰誓今商王受狎侮五常荒怠弗敬

仁義礼智出孟子謂根於性孟子尽心上君子所

其生色也眸然見於面蓋於背施於四體四體不言而喻

謂之性者自漢儒始配之五行者亦自漢儒始白
而應八卦之體得五氣以為常仁義礼智信也云故人出生
而性情者何謂也喜怒哀樂憂患謂六情所以扶五
通情性部五常者何謂仁義礼智信也云故人生
是性情所以五情所以六者何人本含六律五行氣
詩大雅烝民篇天生烝民有物有則民之秉彝好
是懿德鄭箋云天之生衆民其惟有物象謂五行
仁義礼智信也云禮記礼運故人者其天地之德
陰陽之爻鬼神之會五行之秀氣也鄭注言人無
此氣也孔疏五行之秀氣也鄭注言人無
人感五行秀異之氣故有仁義礼智信是五行之
道之謂教鄭注天命謂天所命生人者也是謂性
命木神則仁金神則義火神則信土神則知漢
星曰東方春木於五常仁也宋徽宗曰
星曰西方秋金氣也辰星曰
星曰南方夏火氣也辰星曰
星曰北方冬水氣也辰星曰中央季夏土信也又董仲
舒傳夫仁誼礼知信五常之道王者所當修飾也

漢儒之性迺宋儒之氣質漢書董仲舒傳臣聞命
質也情者人之欲也云云又天令之謂命命非聖
人不行質樸之謂性性非教化不成人欲之謂情
情非制度不節云云禮記中庸天命之謂性鄭注
天命謂天所命生人者也云孝經說曰性者生之
質命人所稟受度也

理氣之說自茂叔始性理字義堯明濂溪太極圖
有是理然此理不是懸空在那裏終有天地萬物先
之理便有天地萬物之氣終有天地萬物之氣則
此理便全在天地萬物之中云云
性理也見前章微義曰性卽理也

仁齋先生又以本爲本根而言可由孝悌以成仁德也古義本猶根也言君子凡事專用効於根本既立則其道生生不已也孝弟者其至於仁之本歟故爲仁者以孝弟爲本則仁道充大而足以保四海也

禮以制心義以制事尚备仲虺之誥篇王懋昭大制心垂裕後昆

要領漢官張騫僅騫從月氏至大夏竟不能得月

淵源所委禮記學記篇三王之祭川也皆先何而後海或源也或委也此之謂務本鄭注源泉所來也委流所聚也始出一勺卒成不測文選班固典引斟酌道德之淵源

詩書義之府也

僖公二十七年左傳

詩書義之府

禮皆有其義儀禮有士冠禮士昏禮鄉飲酒禮卿射禮燕禮大射聘禮覲禮喪服

春秋之義孔子竊取之孟子離婁下孟子曰王者有二年公羊傳伯干陽者何公子陽生也子曰我乃知之矣在側者曰子苟知之何以不革曰如尔所不知何春秋之信史也其序則齊桓晉文其會則主會者為之也其詞則丘有罪焉爾

易唯時之義周易豫卦彖云豫剝應而志行順以動豫云聖人以順動則刑罰清而民服豫之時義大矣哉又隨卦彖云隨剛來而下柔動而說隨大亨貞无咎而天下隨時隨時之義大矣哉又頤卦彖云頤貞吉養正則吉也天地養萬物聖人養賢以及萬民頤之時大矣哉習坎卦彖云習坎䷜重險也云王公設險以守其國險之時用大矣哉遯卦彖云遯亨遯而亨也剛

當位而應與時行也。小利貞浸而長也。遯之時義大矣哉。又睽卦彖云：睽火動而上澤動而下云。萬物睽而其事類也。睽之時用大矣哉。又蹇卦彖云：蹇難也。險在前也。云當位貞吉以正邦也。蹇之時用大矣哉。又解卦彖云：解險以動動而免乎險。解云：天地解而雷雨作。雷雨作而百果草木皆甲折。解之時大矣哉。又姤卦彖云：遇也。柔遇剛也。云：剝遇中正。天下大行也。姤之時義大矣哉。草卦彖云：草水火相息。云：湯止。革命順乎天而應乎人。革之時大矣哉。又旅卦彖云：旅小亨云：旅貞吉也。旅之時義大矣哉。

賢者能識其大者。子張篇衛公孫朝問於子貢曰：「仲尼烏？」學子貢曰：「文武之道，未墮於地。」在人賢者識其大者，不賢者識其小者。莫不有文武之道焉。夫子烏不堂而亦何常師之有？仁難言。顏淵篇司馬牛問仁子曰：「仁者，其言也訛。」斯謂之仁矣乎？子曰：「為之難。」

子張問仁子曰：「行五者於天下。」陽貨篇子張問仁行五者於天下，為仁矣。請問之。曰：「恭寬信敏惠。」恭則不侮，寬則得衆，信則人任焉，敏則有功，惠則足以使人。

顏淵問仁子曰：「天下歸仁。」顏淵篇顏淵問仁子曰：「已復禮。」夫下歸仁焉，為仁由己而由人乎哉？顏淵曰：「請問其目。」子曰：「非禮勿視，非禮勿聽，非禮勿言。」非禮勿動。顏淵曰：「回雖不敏，請事斯語矣。」

子曰：「苟志於仁矣，無惡也。」里仁篇林放問禮之本。八佾篇林放問禮。子曰：「大哉！」

問禮與其奢也。寧儉喪與其儉也。

寧戚

天下之本國也

云孟子離婁上孟子曰人有恒言皆曰天下國家天下之本在國

國之本在家家之本在身

德者本也財者末也

禮記大學德者本也財者末也外本內末爭民施專

後世體用之說興大學傳五章第一句間門嘗竊取
盡格物者言欲致吾之知在卽物而該其理也蓋
人心之靈莫不有知而天下之物莫不有理云云至
於用力之久而一旦豁然貫通焉則衆物之表裏
精粗無不到而吾心之全體用無不明矣此謂物
格此謂知之至也下章有子曰禮之用和為貴章
朱熹范氏曰凡礼之體主於敬而其用則以和為
貴云云為政篇字曰詩三百一言以蔽之章朱注
凡詩之言害者可以感發人之善心云云其用歸使

人得其精性之正而已然其言微婉且或各因一
事而發求其直指全體則未有若此之明且尽者
云云人子曰吾十有五而志于學章朱注胡氏曰
聖人之教亦多術然其要使人不失其本心而已
云云蓋心卽體欲卽用體卽道用白義云又曰子曰
君子不器章朱注器者各適其用而不能相通成
德之士體元不具故用无不周云云性理字義心部
諸心有体用章处有体用之說大抵此類也

莊周內聖外王之說

已見題言考

子曰巧言令色鮮矣仁章

巧言亂德

衛靈公篇

子曰巧言亂德

小不忍則亂

巧言如簧

詩小雅巧言篇

巧言如簧

顏之厚矣

子曰巧言令色鮮矣仁章

尚眉臯陶謨禹

曰呼咸若時

惟帝其難之知人則哲能官

人安民則惠黎庶懷之能哲而惠何憂乎鑿鑿何
遷乎有苗何畏乎巧言令色孔丘

司馬遷作史記改作巧言善色侮人史記夏本紀
是唯帝其難之云云何畏乎巧言善色侮人

或曰雍也仁而不佞公冶長篇或曰雍也仁而不佞子曰焉用佞禦人以口給
屡憎於人不知其仁焉用佞

共天職孟子萬章下晉平公之於共也云云弗與士之尊賢者也非莊公之尊賢也

學而成德曰君子禮記文王世子篇君子曰德成而教尊教尊而官正官正而國治君之謂也

周易下繫辭君子以成德為行曰見之行也

君子畏天季氏篇孔子曰君子有三畏畏天命畏
大人畏聖人夫言
仁以為己任泰伯篇曾子曰士不可以不弘毅任重而道遠仁以为己任不亦重乎死而後已不亦遠乎

忠於仁見上

然以內外言之其禍昉於孟子好弃而極於宋儒
孟子公孫丑上敢問何謂浩然之氣曰難言也云云是集義所生者非義襲而取之也行有不慊於心則餒矣故曰告子未嘗知義以其外之也又告子上告子曰食色性也仁內也非外也義外也非內也
云云者秦人之矣無以異於者吾多夫物則亦有然者也然則者矣亦有外與又孟季子問公都子孟子曰何以謂義內也云云公都子不能答以告孟子孟子曰敬叔父乎彼弟乎彼將曰敬叔父曰第

彼將曰在位故也子亦曰在位故也庸敬在兄斯
須之敬在外人季子聞之曰敬叔父則敬敬弟則
敬果在外非由內也公都子曰冬日則飲湯夏日則
飲水然則飲食亦在外也

亦其心學之說性理大全心部有宋儒諸說亦其
孟子有夾心之文孟子告子上鄉為身死而不受
爾不受今為妻妾之奉為之鄉為身死
為所識窮之者得我而為之是亦不可以已乎此
之謂失其夾心

古書多曰不仁未仁耳八佾篇子曰人而不仁如
礼何人而不仁如樂何

里仁篇

子曰不仁者不可以久處約不可以長處

又子路曰桓公殺公子糾召

忽死之管仲不死曰未仁乎
之不仁也子生三年然後免於父母之懷

張篇

子游曰吾友張也為難能也然而未仁

子曰仁者以國與世言之無外之謂也

董仲舒傳王問仲舒曰粵王句踐與大夫泄庸種
謀伐吳遂滅之孔子稱殷有三仁寡人亦以為
粵有三仁桓公決疑於管仲寡人決疑於君仲舒
對曰臣愚不定以奉大對聞昔者魯君問柳下惠
吾欲伐國不問仁人此言何為至於我哉後見問尔
且猶羞之况設詐以伐吳庫錄此言之粵卒無仁

又或有以巧言令色與脣肩諂笑之徒者

大金問
龍省言

辭誠所以立也。修飾皆辭偽所以增也。發源處甚不同。夫子所謂巧言能仁推原而察巧令之病所從來止。是有所為而然如未同而告以言能人。肩諂笑以喜隨人之類皆有所為也。曰有所為定說甚善。孟子滕文公下曾子曰。肩諂笑病于夏畦子路曰未同而言。觀其色赧然非由之所知也。是豈帝之所畏乎。見上巧言令色孔子考

曾子曰吾日三省吾身章

荀子三作參而無二者之目

荀子勸學篇君子博學而參省乎己則知明而行無過矣

或曰參而察之

其說本於程子訾邢七。伊洛淵源錄卷十四。邢恕字伯溫。弁誣等書云云。上蔡語錄云。邢七自言一日三點檢。伯淳曰可哀也哉。其餘時勾當甚事。蓋做三省之說錯了。可見不曾用功。

效顰 已見上子曰學而時習章。里婦效顰而施教若合符節。

孟子離婁下得忠行乎中國。若合符節先聖後聖其揆一也。

宋儒心學務深見前章考

登高必自卑行遠必自邇禮記中庸君子之道辟如行遠必自邇辟如登高必自卑

君子依中庸禮記中庸君子依乎中庸歷世不見知而不悔唯聖者能之

中庸者孝弟忠信之謂也中庸解中庸者謂德之中庸解中庸者謂德之

弟忠信之類也

依於仁

述而篇

子曰志於道據於德依於仁游於

藝

曾子守約孟子公孫丑上孟子之守約也

曾子之守約也

如戴記曾子問則謂之何

按大戴禮有曾子立事曾子大孝曾子事父母曾子制言曾子立事

圓及禮記曾子問其文繁辭精詳而不寡約也

仁齊馭之為當古義此曾子於此三者常無忘

於心又每日三次竦動興起自省其身若此蓋斯三者皆為人不苟之事曾子以此

自省其身則古人所以脩身者專以愛人為本故

古曰導之以德

為政篇子曰導之以政齊之以刑民免而無耻道之以仁齊之以禮而無

其所自省者亦在為人而非如後世之學以能外誘屏思慮為省身之要也

從而知矣

子曰道千乘之國敬事而信章

古曰導之以德

為政篇子曰導之以政齊之以刑民免而無耻道之以仁齊之以禮而無

有耻且格淮南子兵畧訓教之以道導之以德而

道如道宋衛之間之道

西周策嚴氏為賊而陽堅與焉道用注出亡過周楚

請道於兩周之間以臨韓魏周君患之蘇子謂周

君曰除道屬之於河韓魏必惡之齊秦恐楚之敵

九鼎也必救韓魏而攻楚楚不能守方城之外安

能道二周之間云云魏策楚許魏六城張儀欲敗之謂魏王曰云云道涂宋衛為制

苦供億實不逞

左傳隱公十一年鄭伯曰吾禍許國鬼神許君而假手于我寡人害人唯

是一二父兄不無共億杜注共給億安也

千金之子

史記越世家朱公曰殺人而死職也然吾聞千金之子不死於市云又貨殖

強諉曰千金之子不死於市云

又袁盎傳盎曰臣聞千金之子坐不垂堂百金之子不騎衡云

可謂不解事子雲已文選楊脩答臨淄侯牋

子雲老不曉事強著一晉牋

其少作云云

王畿周禮或方氏方千里曰王畿

尾大之患

左傳昭公十一年楚子城陳云云王問荀申無宇曰棄疾在蔡何如對曰云云末大

以折尾大不掉君所知也

序行毛詩周頌斤斤其明僅斤斤明察也

敬天毛詩太雅板篇

敬天之怒无敢戲豫敬之

天渝无最馳驅吳天曰明及尔出王昊天曰旦

僕僕爾游衍尚昏仲虺之誥欽崇天道永保天命孔

僕僕王者如此工事則敬天安命之道

敬鬼神論語雍也篇樊遲問知子曰務民之義敬

鬼神而遠之近人而忠焉殷人尊神率民以事

神先鬼而後礼周人尊礼尚施事鬼敬神而遠之

近人而忠焉

朱子創敬工夫

論語顏淵篇仲弓問仁章朱注敬以持己性理字義論持敬以人

曰礼謂執虛如執盈入虛如有人只就此二句體

認持敬庄王夫意象最親切

子曰弟子入則孝出則弟章

文言九二曰見龍在田利見大

蓋取諸易庸言之信庸行之謹

人何謂也子曰龍從而往中者也庸言之信庸行
之謹閑邪在其誠善世而不伐德博而化
未免為鄉人矣異於人者以其在心云云舜人也
我亦人也舜為法於天下可傳於後世我由未免
為鄉人也云云

仁齋先生解弟子入則孝曰此言學問慎其初也
古義此言學問當慎其初也孝弟者人倫之本謹
信者力行之要汎愛親仁者成能之基餘力学及
者亦就有道而焉之意言在為弟子時果能如此
則學自正德自修而終身之業得矣

有事弟子服其勞有酒食先生饌為政篇子夏問
事弟子服其勞有酒食先生饌注馬融曰先生謂
父兄也饌飲食也

